



Udruženje/udruga "BH novinari", Kralja Tvrta 5/5, 71000  
Sarajevo Telefon: 033 223 818, fax: 033 255 600  
E-mail: [bhnovinari@bhnovinari.ba](mailto:bhnovinari@bhnovinari.ba), WEB: [www.bhnovinari.ba](http://www.bhnovinari.ba)



LINIJA ZA POMOĆ NOVINARIMA / FREE MEDIA HELP LINE

**TUŽILAŠTVO BOSNE I HERCEGOVINE**  
**ul. Kraljice Jelene broj 88, Sarajevo**

**n/r Boris Grubešić, glasnogovornik**

**Mjesto:** Sarajevo  
**Datum:** 25.03.2019.  
**Broj:** 01-87/19

**Predmet:** *Zahtjev za dostavljanjem informacija o slučaju poziva na saslušanje Avde Advića, novinara magazina Žurnal*

Poštovani gospodine Grubešić,

Obraćam vam se u ime Udruženja/udruge BH novinari i Linije za pomoć novinarima sa molbom da nam dostavite zvanične informacije Tužilaštva Bosne i Hercegovine a na okolnosti poziva na saslušanje u svojstvu svjedoka, novinara magazina Žurnal, Avde Advića.

Prema informacijama kojima raspolaze Udruženje/udruga BH novinari i Linija za pomoć novinarima, novinaru Avdi Avdiću je adresirano na Udruženje "Centar za razvoj medija i analize" stigao poziv da se kao svjedok odazove pozivu u predmetu koji se vodi pred Tužilaštvom BiH, a koji se odnosi na navodni obavještajni upad Republike Hrvatske u Bosnu i Hercegovinu i vrbovanje državljana BiH za obavještajni rad za potrebe Republike Hrvatske. Kako smo informirani, novinar Avdo Avdić je autor teksta pod nazivom: "KONZUL IVAN BANDIĆ KOORDINIRAO AKCIJOM: Hrvatski obavještajci vrbovali selefije da prenose oružje u mesdžide u BiH", a nakon objavlјivanja članka navodno je formiran predmeta u Tužilaštvu BiH o ovom obavještajnom slučaju.

Želimo ovom prilikom upozoriti Tužilaštvo BiH kako prema krivičnom zakonodavstvu BiH, standardima novinarke etike sadržanim u novinarskom kodeksu, te u medjunarodnim dokumnetima Vijeća Evrope, OSCE i Evropske federacije novinara, svi novinari i urednici imaju pravo za zaštitu izvora informacija. Niko, pa ni Tužilaštvo BiH, nema pravo prisiljavati novinare na otkrivanje informacija o svojim izvorima! U tom kontekstu, izražavamo javni protest zbog jutrošnjeg saslušanja novinara Avde Avdića u Tužilaštvu BiH, uz napomenom da je nedopustivo focus istrage sa navodnog krivičnog djela "upada Republike Hrvatske u Bosnu i Hercegovinu i vrbovanje državljan BiH za obaveštajni rad za potrebe Republike Hrvatske", prebacivati na isljeđivanje novinara i treženje informacija o njegovim izvorima.

Takodjer, tražimo da nam odgovorite da li ste, prilikom donošenja odluke o saslušanju novinara Avde Avdića tražili putem nadležnog suda ili kroz druge pravne instrumente od vlasnika portal Žurnal da "oslobodi" novinara Avdu Avdića od "čuvanja profesionalne tajne" i podijeli informacije sa nadležnim istražim tužiteljem u ovom predmetu. Pretpostavljemo kako znate da se prema Zakonu o krivičnom postupku Bosne i Hercegovine (član 82) "**ne može saslušati (...) novinar u svrhu zaštite izvora informacija..., osim ako je oslobođen te dužnosti posebnim propisom ili izjavom lica u čiju je korist ustanovljeno čuvanje tajne.**"

Smatramo da ovim postupkom Tužiteljstvo BiH vrši nedozvoljen pritisak na novinara Avdu Avdića, te krši njegovo pravo na slobodu izražavanja, koje se odnosi i na slobodu novinarskog istraživanja i prikupljanja informacija kao i na zaštitu izvora informacija. I ovo nije prvi put da Tužiteljstvo BiH saslušava novinare – nedavno je novinarka portala Žurnal Azra Omerović takodjer bila pozvana na davanje iskaza i otkrivanje izvora informacija u vezi sa falsifikovanjem i trgovinom diplomama.

S obzirom da su se, u veoma kratkom vremenskom periodu, ponovila dva slučaja isljeđivanja novinara o njihovom istraživačkom novinarskom radu u vezi sa temama od značaja za javnost, uz vršenja pritisaka na novinare njih da otkriju izvore informacija, očekujemo da ćete na ovaj naš dopis odgovoriti hitno, te preispitati sve okolnosti kršenja prava novinara kroz rad Tužilaštva BiH, kao pravosudne institucije i postupanje tužitelja pojedinačno.

S poštovanjem,

Una Telegrafčić, koordinator u Liniji za pomoć novinarama  
Udruženje/udruga BH novinari

